





○並華僑德文學校於柏林京城啓○  
外國飯食四十馬克（兩馬克大概是英洋一元銀一兩大概是二馬克半）○房屋三本馬克○僕人十五馬克（房室內須雇男僕二名廚房須雇女廚司二名）○一位女管家五馬克（洗衣多必須請一位女管家協助余和余婦人治理家務）○煤炭十馬克○電氣燈自來水巡捕等類之費十馬克○天在全房屋內用煤炭○格外費用五馬克○爲余幫助學生的工夫二十馬克○核算每學生每月共計必須一百四十馬克即大概五十五兩銀一月○第二款學生每月另外自己所需用之度（此等費用隨各人之光景可減省或可加增乃大概每月所必需者詳載於下）○買書並博文學院或別處學堂或專門先生之修金銀二年兩○月用之電氣車銀五兩○購買外國衣服銀七兩○年八十四兩或二百一十馬克○格外之費如諸醫生或爲自己娶婦錢銀五兩○游學費（夏天暑假之時游行所需之費）八兩一年大概九十六兩或二百四十馬克○○總算學生自己之用度大概四十五兩或第一款所述爲房飯等必須之用度是五十五兩故此共計每學生在一月大概必需銀一百兩○學生起程必須備辦外國衣服並箱子等類此款大概銀一百五十兩○在開先創辦之始余爲學生必須購買各種傢伙器具故此余希望中國政府可以襄助余爲學生之家伙余想學生必須買一隻鐵床並鋪蓋一隻衣廚一隻衣櫃一隻椅子兩隻椅子一隻面盆架此外需買抹巾檯布檯櫃磁器飯叉牙子等類又須備辦客廳並書房並廚房之器具與總管每學生在起頭買家伙必須用一百二十兩替二十名學生大概須銀二千四百兩○余希望明年西曆三月初十日出洋若二十名學生與我偕行往德國此是最方便乘德國之公司船到意大利國之基那亞並從彼處乘火車到柏林大概需銀四百二十兩若有志者喜乘此機會只約畧表明余之宗旨余核實並無他意只欲襄助中國學生在德國學習有成耳

光緒三十一年九月二十七日上海威海衛路三十四號安保羅謹白

右啓乃駐德德國領事官文碩君爲其國人克蘭士紹介屬登報端就中所訂章程歡迎我邦學者意甚美也日本維新志願者皆有尙武之精神我國青年其少留意乎



宮門抄

十月初九日推班 召見軍機  
皇上明辰正至 儀駕殿行禮  
十月初十日京電本日 召見軍機 無閣抄

電報

西十一月六號倫敦來電  
俄國鐵路工人現已照常工作因伊等所要求之件已能達其目的也  
俄國老克塞地方又有亂事匪率領兇惡野人將司事八人全行殺戮

要聞

▲▲▲電告英國兵艦進泊鄱陽湖

天津益聞西報云日前江督周玉帥電達外務部云現有英國兵艦擬進鄱陽湖 停泊附近人民甚為惶惑由該管水師武員據約阻止抗不允從現已札飭九江道嚴詰英領事矣

▲▲▲開放東三省續聞

開放東三省一節久經政府提議現聞外部以某公使催詢辦法并請指定各處地方早為宣布各國等因遂又於日前會議電咨奉天將軍趙次帥 從速酌定各處衝要地方 派委委員切實勘測地勢按照現在情形究竟可否開通有無窒礙 詳細繪圖咨覆到部以憑查核辦理云云(北京專電)

一條泰觀

▲▲▲日本添派駐京公使會商滿洲善後問題

日本政府特派專使小村男爵前來北京已誌昨報現日政府又添派駐京公使內田康哉 會商滿洲善後問題 為小村男爵之助(東京專電)

▲▲▲中國不允添派駐荷專使

上海字林西報云日前駐京荷蘭公使到外部聲請中國添派駐荷專使 當由某官答以荷蘭向歸駐俄欽使兼任須仍舊辦理無庸添派云云聞此舉係駐京某公使從中阻撓意在中國若派專使於荷蘭則將來 中國於海牙和平會可以直接會議 該國不能再從中介紹矣

▲▲▲外務部催日本速撤滿洲軍隊

近日外務部那倫書見日本駐京公使請將 盛京日兵

從速撤退日使答以此事不敢擅專必須電達本國政府裁決

◎奉天新政之一斑

奉天將軍趙次帥自蒞任後整頓地方不遺餘力現又擬立六處分別舉辦要政以飭吏治而維利權  
一糧儲處專管奉天全省錢糧地丁  
二稅務處專收全省稅稅及各項雜捐  
三俸餉處專管武員并兵勇等一切俸餉  
四庶務處專辦一切鐵路礦務以及各項工藝事宜  
五工程處專辦一切大小工程以及修理街道等事  
六收支處以上各處所有一切收支之事均歸該處經理  
聞次帥於六處之外又在省城設立總財政處專理奉省一切財政(北京專電)

●本埠新聞

車站紀事○ 皇太后御賜奉省上學寺龍藏經共計十六箱於初十日由京運往奉省  
△西藏藏約大臣唐少川京卿初十日由保定乘專車於當晚五點鐘到津  
△陸軍第三鎮統制段觀察芝貴由省來津  
△高陞等機在津購牛一百八十餘隻又雞六千餘隻均於初十日由津運往奉省  
△巡警紀事○昨日 萬壽節由縣尊片達各職員循例停訊一天  
△總局督操官史寬坡君前由局憲札委兼辦巡警學堂督操事宜昨聞史君又有改委二局一區巡官之說督操一席并聞另委陳金階君接充

●恭祝

萬壽○宮保於昨晨六點鐘督同闔城司道府縣文武印委各官齊赴 萬壽宮恭祝 皇太后慈壽萬七點鐘回轅并東請駐京各國官紳到轅聽戲飲宴  
△昨日各學堂學生齊赴 萬壽宮恭行祝典先由學務處序定班次傳知學童轉告各堂屆時即由各堂之監學長依照議定次序接行禮不得紊亂先大學堂次工藝學堂次北洋醫學堂次軍醫學堂次天津府中學堂次各高等小學堂次各小學堂次今日學堂禮畢各依次奏樂退班

●威儀肅穆

○昨日 萬壽節闔郡官員自袁宮保以下齊集龍亭行慶禮此次較往年異常整肅官保極為喜悅深贊警務之進步按往年雜亂之故係因自司道以下隨從人等太多車轎亦近停於各局區大要共分三則一隨從人等自司道以下只准隨帶一人以便更換朝服二車轎亦須停放略遠車轎夫不得近前三附近居民不准開門觀看預先由該管分局通知並製就腰牌多份先期發給隨班視察人員牌上書允許證三字無論何人無腰牌者一概不准入內威儀肅穆信巡警之善為布置也

●皇恩浩蕩

○昨日府縣尊會銜發出告示一通照錄於下  
皇恩普及宜商旅皆顯出其途矣為出示曉諭事十月初十日恭逢 皇太后萬壽聖節率土瞻禮本府縣因查前年曾奉撥捐局憲詳奉督憲批准自十月初九日起至十一日止

所有天津來往集船攜帶零星用物估價在三十兩以內者免抽釐金以示格外體恤其大宗貨物不在此例至關稅一項仍照常征收札行查照出示遵辦等因當經遵辦在案現在萬壽節屆自應援照成案辦理除報明 權憲外合亟出示曉諭為此示仰商民人等一體知悉自十月初九日起至十一日止所有來往集船攜帶零星用物估價在三十兩以內者一律免抽釐金其餘大宗貨物不在此例一俟三期滿滿無論商船集船大宗零星仍一律稽征照舊抽取毋違特示

●北京新聞

●整頓學規○譯學館學生前因擅移櫥凳入自修室復與齊務提調抵牾經黃監督將不守學規之學生記過并懸牌示儆已紀前報昨日又發出告示示眾謂查定章程共同自修室與共同寢室界限嚴然現宜切實整頓凡寄宿舍之桌有與自修室之桌同式者不論是否從自修室搬來限於兩日內移出諸生自置器物如桌椅之類亦限兩日內一并移出如抗違不遵除仍勒令移出外嚴懲不貸本監督當查看情形酌添一二器具應用何等式樣務令各齋一律不得參差所有一切器物不得任意污損不得擅自添置更換至自修室尤為學課重要之地諸生在堂聽講時刻有限全賴自修認真方有進益嗣後每屆自修時間諸生當齊入自修室按名列坐潛心溫習本監督與齊務提調及監學官檢察官輪流巡視如有未經請假屆時不在自修室及在室內離座談笑妨礙他人功課者立即記出以憑核議立品勤學分數本監督前日調見張大臣據報近蒙召見面奉 聖諭現在科舉既廢全賴學堂造就人才務須諭令各學堂管理人員認真整頓從嚴管束等語本監督行能淺薄愧不足以表率諸生惟既肩此責任斷不能坐視本館之日就腐敗諸生有志篤學教品亦當謹此苦衷也

●學部擬設詳誌○改學務處為學部業經政務處會同學務大臣議定將即日具奏後因翰林院侍讀學士某君奏謂國子監為聖教所在不宜裁併併交部議故又從緩奏設蓋政務處原議本擬裁併國子監以監照各項經費撥歸(國子監每年所收監照一項不下三萬金)學部其餘再向各省籌辦今既改議不裁國子監則學部開辦經費無着一時礙難設立聞日前學務處與政務處議商後籌有鉅款再行奏設已經學務處咨行各省令調查各府州縣書院經費酌量提集鉅款矣

●警部博採眾議○日前警部會書徐大軍機領發手諭一通畧云警部初設百務待興是宜博採周諮考求良法本部及內外城各局員有熟悉警務深明利弊者准各具說帖呈候採擇現聞各員已繕就條陳進供嘉納集思廣益如向書者可謂能實心任事矣

●力保誤學之學生○前者京師火車炸彈之變懸賞緝獲要犯有譯學館奉天學生張振曾在奉省創立保衛公所其人斷髮西裝不拘小節捕探以其形跡可疑遂拘捕來津黃觀察秀伯素識其人當即與其同鄉京官聯名電稟督憲代為辯護現尚未蒙開釋故日前黃觀察又邀集同鄉具稟力保開稟詞已

經呈遞軍機處保明鏡高懸可辦其真偽也

●保定新聞

●通開禁令○昨由清苑縣發出告示一通云為出示曉諭事照得日俄和約已成所有前頒之中立條規及一切禁令自本月十九日起一律撤銷仰軍民人等一體知照毋違特示  
●速成武備學堂開學○照得本年十月初十日恭逢 皇太后萬壽聖節於初九十一日放假三日並於初十日早八點鐘全堂員生齊集本堂行慶賀禮即一體遵照  
●藩署法政學堂出榜○為榜示事照得本學堂考試候補各員評定正取學員三十三員備取學員十二員合行榜示所有正取各員務於本月十五日辰刻自帶簡牘履歷整肅衣冠齊集本堂舉行開學禮式應行儀注屆期在堂懸牌仰各學員查照毋違其備取各員聽候傳補須至榜者  
●正取學員三十三名  
趙毓桂 潘玉麟 張文澤 牛 桓 朱開新 寶光璧 傅元瑜 趙光鑑 孫壽昌 譚 琰 方傑愚 傅元理 朱祥炎 張以恭 薛廷榮 朱廷英 陶興同 黃仁鏡 呂英烈 崔葆珊 余耀祖 李汝霖 許良祺 王承祖 易顯黃 張文煥 賈金鑑 陳□□ 張庶富 閻佑真 武寶璣 王寶清 杜炳烈  
●備取學員十二名  
洪樹棠 鍾鼎勳 孔繁瀟 方煥彰 周敬榮 增 社 張秉良 李思壽

●差調消息○關於陸軍第三鎮統制段觀察芝貴聞有調充天津南段巡警總局總辦之信  
●章服之限制○各學堂學生服飾現已經學務處定立等級清苑縣羅大令因恐有冒充學生者殊於學界大有防礙因出示曉諭銀樓及銀作等凡學生所戴之帽飾除各學堂訂做外不得私行仿造售賣以重章服而示限制云云  
●民立學堂之盛興○近來風氣大開創辦民立學堂者已指不勝屈前又經紳董等在南市衣巷設立小學一所招考學生已登前報茲悉該學堂現已招得學生六十名聞不日即可開辦矣

●日員祝嘏○本月初七日為日皇壽節所有僑居省中之日本人員均往德華池會宴園城司道各官亦前往致賀車水馬龍頗極一時之盛

◎本報徵文告白

本報徵文大意已詳九月十八日報端 諸同志有惠寄大著為本報所登載者 每篇贈銀五圓不登者恕不還稿特白

◎義務告白

本館為贊助公益起見凡官立民立各學堂以及倡興一切工藝事關羣利者所登告白概不取資以盡義務

◎女子小學堂招生告白

啓者本學堂擬於本月十五日以後擇期開學現在學生報名者尚未足額茲再展期十日如仍有願來學者務於十月初十日以前來堂報名此啓 文昌宮西女子小學堂謹白







## 八大特色

◎ 售 發 有 均 局 書 各 定 保 津 天 京 北 ◎

方幸言新外一門人掌故遺聞清譚雅諧  
斯八條皆本報蜀有之特色蓋本報內容

[illegible]

## A detailed black and white photograph of a vintage treadle sewing machine. The machine is mounted on a wooden base and features a large hand-crank wheel on the right side, a carrying handle on top, and a complex internal mechanism with a vertical needle and foot assembly. The machine is shown from a side-on perspective, highlighting its mechanical components and sturdy construction.

保  
定  
中  
國  
製  
粉  
筆  
出  
售

從廉不誤主顧  
於十月初一日出售每匣價北洋龍銀一角二分定購  
本廠實貨只取北洋龍圓其外國洋圓俱照八扣或  
九扣收用  
他省龍圓暫按成色貼水收用俟中國關稅租賦一  
律收用時本廠亦一律收用  
保定府南關造紙官局工長 趙恩杰謹白

本行保險一業一秉  
至公爲中外仕商  
所稱許所代理之公  
司皆英國著名之家  
也無論城鄉內外均  
可代保如機房住宅  
棧房舖店及貨物家  
具衣服等物件欲保  
火險者請到紫竹林  
本行商酌保費格外  
公道

太古火險  
公司謹啓

● 專治婦科雜症  
第 一 婦人百症難疾  
氣滯血瘕瘕黃  
貼諸毒廉瘡疔  
神 水瘡疥瘡疔飲  
效 專治老病痰喘  
咳嗽痰飲哮喘  
無 內痔瘡外痔瘡  
比 漏瘡流血流水  
小兒怠慢驚風  
寒濕瘰癧水疹等  
保嬰丸

陳寶霖先生係儒學世  
醫理生精于內傷諸症  
治無不產後諸症及婦  
專治心無一藥到病除  
同仁心藥到病除  
法亂界藥到病除  
診送貧病內科外科  
酌送貧病內科外科  
往醫送貧病內科外科  
汪鐵生  
周志實  
謝啟

器印 (S) 字出 (S)  
俱刷 (S) 各售  
全機 (S) 種鉛 (S)

大日本浪花鉛字公司專辦各樣鉛字及一切花邊并紙張不誤主顧價道格外津關口下浪花鉛字謹分公司謹白

梳粧肥皂 洗滌肥皂 軟肥皂

自製造各種肥皂出售

品質佳良氣味芳香可受  
則低廉質堅品良去污

自非他種可比專洗皮膚

三種蒙仕商賜顧請移玉或面商可也  
天津日本租界(朝鮮館旁)電話一百十六號  
肥皂製造所 **桑 茂 洋 行**  
營口代理店 **田中商會出張所**  
(本行願出重價要收買頂好牛油并白)

[illegible]

法學教科書廣告

方今國論漸知趨重法政之學實文明進化可喜之現象而海內譯本不能擔荷輸入之責任者甚鮮譯者文筆久爲學界所訾此編挾摘精微曉暢條達人手一編庶幾咸有法治國民之資格矣每部二冊價洋一圓

文明書局寄售

本行向在天津香港上海均有分行專理荷蘭國製造機器廠所製水陸應用氣機銀爐並承辦搭客裝貨車輛輪船引水機器橋梁鐵軌機器等件以及挖河捕魚大小輪船無不全備且有頭等歷師精通機計測量形勢歷有年來如蒙賜顧即請駕臨敝行機器帳房面議庶不致誤

恒豐洋行謹啓

育書堂安文光先生專門婦科  
兼操鍼法余等內子有將入勞  
症者有產後受風者有子宮寒  
冷胎滑不育者有血聚成瘕形  
如受孕者先生鍼藥並施皆德  
痊可因致謝不受故登報以彰  
其德先生原寓安南二條胡同  
現移交道口南土兒胡同西  
頭路北顧患病者速往求之門  
診二千外請二金貧不計利

李英臣  
壽保華仝啓



各省新聞

東三省

●營口鐵路開工 營口至鐵嶺之鐵路現經日人修理完竣業已開車行駛

●太守接篆 延慶浦雲赴新升肅道任後所遺之缺現派譚太守鐵嶺署理聞已於初四日接印任事

●車運擁擠 日俄和議已成所有軍用藥品一律開除商人聞此信息後悉將堆積滿子新民屯等站貨物運往吉黑一帶銷售故近日三等車甚形擁擠

●道署照錄 為曉諭事奉北洋大臣札開為通飭事現准外務部電開日俄和約已經批准所有前頒中立條規及一切禁令自本月十九日以後一律開弛希統飭各屬地方官遵照等因到本大臣准此除咨行外合行通飭札到仰即遵照並出示曉諭一體知照等因奉此查日俄失和中國嚴守局外中立歷經抄示條規曉諭在案茲奉前因合亟出示曉諭仰商民人等一體知照所有中立之禁令條規即一律開弛特示

▲山東

●催繳商埠股銀 濟南自開商埠籌款維艱去歲經周玉帥札委蕭紹庭觀察勸令各州縣紳民集股每股銀五百兩每年官息六釐計至今春共認銀三十餘萬兩刻下所繳到者不過十餘萬兩現經商務局札飭各州縣就近勸諭務令認定者照章繳齊以濟要需

●出示曉諭 為出示曉諭事照得本局訪聞維口車行經紀有勒索車戶任意剝削情事當經派人查明屬實現已詳明撫憲將該處車行經紀撤並將原領執照追回查銷擇於本年十月初一日委員設局抽收車捐即以所收捐項修墊道路以利車行除札飭歷城縣遵照外合行刊示諭為此仰圖鎮行棧車戶人等知悉自示之後凡運貨大小車輛應完捐項均由捐局抽收不准舊日車行再行預備有差役地保土痞棍徒藉端詐索車戶就近赴捐局喊票以憑委員送縣嚴究爾等亦須懷遵本局章程領票繳捐毋稍隱漏致干究罰切切特示 計開章程十二條

一運糧運貨各車按照套數計算每車套車一輛抽京錢一百二十文雙套加倍三套四套依次遞加雙把車抽京錢八十文小車每輛抽京錢四十文人載車免抽

一人載車如僅隨身行李一概免捐携有糧石及各項貨物者照第一條數目減半抽收

一車輛完捐應由行棧代報每日用車若干輛報由捐局核明登帳每車一輛發給捐票一張即照所發票數由行棧將捐項代為扣留每日晚間派人接戶收取其行棧未領手者准買戶自行赴局繳捐領票

一車票仿馬路章程實貼車上每張祇能運貨一次如運載二次或三次四次另行領票由局於衝要路口派人查驗如套數與票相符即於票上印一戳戳立刻放行不准留難違者從重究辦車票不符者按捐數十倍罰以杜取巧

一車票應由本總局分別等次酌定大小各式樣發交委員刊印應用總局易於辨識俾查驗之人一目了然以免混淆

一河工物料各營軍械糧米與公家所用一切物件均應一體免捐惟須先期備具印文或作函赴捐局取用免票每車一輛貼免票一張統由巡勇查驗蓋放行若但持名刺往取捐票者一概不發以杜混冒其運糧車輛商已另有捐項

亦在免捐之列

一票房須在要路安設使領票之人極為方便而巡役亦易於稽查以免遲誤遺漏各弊

一經既經曉諭不准再行干預應由委員同歷城縣出示嚴禁倘有差役地保土棍藉端詐索車戶赴局喊票委員即立刻送縣究辦

一外來之車承攬生意應由車夫自向運貨者議定價值不准店東店夥代攬抽用違者嚴究

一車票應用聯二張一張貼於車上一送總局查考每旬報報一次即將存根隨文同送仍按月報呈備核核所收捐項按月解總局兌收

一派司事三人專司填票登帳稽查等事月給膳銀京錢二十四文巡勇八名專司巡查及蓋戳各事每月給口糧京錢八千文均在車捐內開支

一擬先自維口大壩起至省城西門迎仙橋止按照路之高下寬窄分別用石用土一律修墊平坦作為幹路其餘各支路容即次第施工所有應需石方土方各數現已派員切實勘估另冊詳報

以上十二條係暫行試辦章程如有未盡事宜隨時酌擬詳定仍先抄錄章程通飭維口大小行棧車戶人等一體遵照

▲河南

●稟懇優給地價 汴洛支路由鄭州至洛陽軌道已定但所經過地方有礙民間田畝需給價購買歸公惟價銀一帶地濱洛河素稱瘠壤每畝價值僅百千有奇該鐵路公司定章土地祇給三十二文一畝民間均不願售現已稟請呂督代懇當道從優給價以恤民情而昭公允

●擬整學規 鄭州中學堂表面甚佳惟內容腐敗學生功課不能及格者居其大半該堂監督又以學界易起風潮不敢嚴加管束遂致學生等任意出入現任堂學生已寥寥無幾故葉直刺到任後大不謂然聞擬釐定章程切實改良

▲江蘇

●關道商請銀行匯撥鉅款 鎮江關前被通商銀行虧倒三十萬金雖經上海總行允代償還至今未能如數清繳財政頗形竭蹶關道郭觀察因秋李應解之英德俄法等國賠款不能如期應付商請督辦盛宮保將新舊賠款十萬餘金一併由總行劃抵匯撥以應急需

●租界允建電桿 職商郭鴻儀在鎮江創設之大照電燈公司開機在即所有整桿掛線等事將次告竣惟租界一帶地段英工部局每月須索地租洋一百元始准建設故至今尚未與工部局訂立該公司稟請關道郭觀察與英領事再三磋商議定不索地租而該公司須在租界內沿路設立電燈數十盞亦不許索取燈費以期兩利兩便業經領事暨工部局允准開向須訂立合同

●以資興費興辦學堂 鎮江府縣奉憲上憲催辦學堂無如經費難籌至今未克興辦刻因學堂既停離離延緩故府憲承瑞卿太守商請紳董鮑川如邵即吳蘭賓李廉在城內外建設蒙學堂數處以資造就所需經費即以資興款撥充

●請飭繳納挑河經費 鎮江德商美時德船向設在運河口左近水勢險阻挑河經費致淤塞故建設之始曾經該管領事酌定飭令該商每年繳納挑河經費銀五百兩以資津貼乃數

年以來分文未繳刻屆冬令河工需款應用關道郭觀察特照會上海德總領事請飭該商速將應繳挑河經費如數措繳以符前言而重要工

●請用豆餅聯車 鎮江各洋商以豆餅一貨近年為出口一大宗生意銷路甚廣特稟請鎮江關稅司函致監督准照土貨三聯車章程採辦豆餅一項關係內地稅釐甚鉅聞郭觀察向須會同金陵蘇州兩關道核議再行停止

●修改倉房 蘇垣罪犯習藝所現經長元吳三首縣會議將長邑倉房增修改建倉庫原有房屋一百四十餘間均已破壞不堪按照圖式須大加修葺並添建各項廠屋其號舍亦宜酌改已督飭匠頭逐一查看核實估計修葺費共約須銀四千餘兩又置備機器等件及流動資本約須銀二千兩共計開辦經費約須銀六千餘兩惟一時難以動支又無開款可撥擬撥照府州公所經費分年攤派歸墊其常年經費所需亦鉅擬由縣勉力捐湊應用已由蘇靜庵大令主稿會同孫花樓張達仙二大令通稟各憲核示一面飭匠擇日興工建造矣

●籌款挑河 揚屬運河淤淺日甚商船難駛不便行駛刻由候選道何觀察亮標擬章稟請開挑故周玉帥特札飭常鎮道會同運司妥籌辦法以便撥款興工挑浚

●委員調查學堂 江甯省各州縣欽遵 上諭廣設學堂已將三載其熱心教育者固多而敷衍塞責者亦復不少現兩江學務處總辦沈鳳樓觀察通飭各屬嚴加功過以為激勵又以各州縣官立私立各學堂遠在一隅智識未廣其完全者須加獎勵腐敗者亟應改良是以詳請督憲派委通曉學務之員分往調查以江甯府屬為一路揚州府屬為一路海門為一路淮安府屬及海州為一路徐州府屬為一路共五路各派一員厚給川資刻日馳往一俟奉到督批即行首途

●委員監修城堞 甯垣趙觀察有倫日前奉周玉帥札委監修各處城堞現已飭匠興工

●考察農務 金陵農務局總辦趙觀察前率局員赴六合江浦儀徵一帶考察農務業經回省近又稟准督轅前往淮徐各屬親臨考驗

▲安徽

●撫憲調閱兵隊 安徽常備軍兵隊自改派武備生為教練官後上月二十三日撫院誠中丞親親督練處調閱第一標第一營兵隊操練各法閱以後倘須按日將各營兵隊次第校閱以便明定賞罰

●鐵路開工緩期 安徽全省鐵路總辦李京堂經方以燕廣鐵路本擬十月初旬開工因所籌彩票捐及各種款項尚未議妥現已改定十一月初一日在蕪設局開辦並聞京堂日前函商江督周玉帥請派道府數員來蕪以收贊助

●查商籌款辦法 探聞皖撫誠中丞接准總理安徽全省鐵路籌款辦法三則一為提撥規一為併購一為撥充糧餉查規一規糧餉兩項現在科舉已廢誠可提撥注茲補充公用惟糧餉一項現未奉有裁併明文該處生等所陳是否於地方無礙希飭司轉行各屬詳悉議覆

●飭用龍洋完稅 皖省各屬向用本洋至英洋龍洋不甚通行即各州縣及關卡均不願收納英洋民間頗受其累茲經江督周玉帥派員查悉以龍洋為新鑄國幣何容顯分軒輊意存抗拒即咨行皖撫轉札藩司通飭所屬嗣後完納錢糧課稅

無論本英龍洋一律照市作價聽民完納毋得注重本洋任意需索致阻龍洋銷路云云已由蕪湖縣沈大令出示曉諭矣

▲江西

●稟請查驗新軍 九江關道瑞瑞觀察近稟撫憲略謂遵照練兵新章將常備前軍改練江西陸軍第二標步隊現已招足人數操練均極熟習應請派委大員前往查驗云云奉批編練各節甚是至請派委大員查驗現在既有兩營開往樂平應俟回防再行派閱

●調回防兵 吉安府胡瑞瑞太守近稟撫憲以駐紮吉安續備中營三哨李茂乾督帶前營赴贛州防剿會匪現該地方安謐無事擬請飭令回防聞胡帥已准如所請

▲浙江

●委署兩司 浙江藩司現奉署撫瑞中丞派委糧道顏觀察兼署臬司委信都轉兼署

●稟請撥款興學未准 杭紳丁君立中等為上城興建學堂請撥銅元盈餘以充經費稟奉中丞批云現在銅元銷滯餘利甚薄開支各款有增無減新廠盈餘應留湊原認及已撥經費勢難再添撥仰布政司轉飭另行妥籌辦理

▲湖北

●委員幫辦兵工局收支 湖北駐省兵工局向歸張鎮軍主持茲因該局收支一席事務冗煩已札委邱二尹其裕幫同辦理

●請免衛丁雜款 鄂省衛田隨征雜款名目複雜近來改訂新章後尚未歸併以致衛丁繳納為難刻經藩司李少東方伯詳請張督帥將衛丁重複雜款概予免繳以恤丁艱

●稟陳米捐近情 湖北石首縣縣池口為重湖接壤之區向設查補米穀兩項捐分所由北委張大令祖華南委謝少尹鍾英會辦先後到所經查惟本年秋後雨汛沖潰堤岸遠邇咸災北米無收南米亦屬寥寥無從查核以故捐收未能起色該員業將詳細情形稟報上憲

▲廣東

●民教衝突 日前連州賽會歡迎神像從美國長老醫院街前經過有教士馬赤爾君以其事出迷信從旁譏笑伊等憤怒當時人眾即將醫院焚毀并殺斃教士馬赤爾之夫人并其女等五名馬赤爾君亦受重傷恐此事不免交涉矣

●整頓粵省財政之計畫 邇來粵省庫帑支絀非認真籌措則舉辦一切新政皆無所資現聞岑雲帥竭力整頓財政一為商包釐金一為鹽務已交善後局核議矣

●札催赴學 學務處前通飭各屬選派紳士四十人往東考察學務所有學費由該屬自行籌解原定八月後到齊現已逾期而各屬稟送者寥寥無幾因此學務處特行札催各屬趕緊稟送並展限至十月初云

●提款糾葛 南海沙頭鄉鄉紳玉成在該鄉創辦學堂稟准提用該鄉花紅餘款及猪行捐款以為開辦常年經費此款未獲有礙局紳利權故局紳與學務處妥為調停辦法准其分辦將猪行捐款分兩份兩學堂均已開辦然各紳仍互相水火玉成稟請控行抗不遵繳捐而崔春華又稟請崔玉成所提花紅餘款亦劃分兩份送經縣署批示不准崔春華一再赴學務處稟爭故學務處又札縣妥議核辦南海陳大令奉札後以崔玉成稟准在先擬將此款劃為三七崔紳玉成佔其七崔紳春華佔其三云



### 各國新聞

◎教皇派員致謝日政府 東京電云日俄開戰時所有他國在日本教堂并教士等日政府均加保護故此次議和後義國羅馬天主教主教特派教員堪尼爾到日致謝聞該員已於西十一月一號行抵東京 譯天津益聞西報

◎德國殖民地地稅 柏林電云德國非洲西南方殖民地地稅匪其稅現派兵勘辦倘得手 譯天津益聞西報

◎美國漁船被焚 近有坎拿大戰艦一艘在義爾湖中將美國漁船一隻焚燒幾至沈沒恐此事兩政府不免交涉矣 譯上海太晤士報

◎英義兩國與土耳其之交涉 近來紅海一帶海盜甚多掠掠之事時有所聞故英義兩國商輪時被劫掠現駐土京英義公使均向土政府要求賠償聞已允准 譯天津太晤士報

◎美公使宴會東鄉大將 日前美國駐日本公使特備盛筵延請日本聯合艦隊總司令官東鄉大將并其屬員在座者有三百餘人海盛會也 譯天津益聞西報

### 川督錫奏陳川省學務情形摺

奏為陳川省學務情形並酌擬推廣辦法恭摺仰祈 聖鑒事竊照本年八月初五日欽奉電鈔 上諭袁世凱奏請立停科舉以廣學校並籌辦法一摺所陳不為無見著即自丙午科為始所有鄉會試一律停止各省歲科考試亦即停止此大諭旨著學務大臣迅速頒發教科書並著責成各該督撫嚴飭府廳州縣備設小學堂其各認真舉辦隨時考察共副朝廷勸學作人之至意欽此仰見 睿謀斷因時制宜以清源正本之方為一道同風之治下懷欽佩欽此仰見 宸廑於寄責有專歸固當使學規日進展拓庶幾學術復興於今鄉邑無不設學之士民無不嚮學之人始克上慰 宸廑於萬一顧念承乏此邦時閱兩年勉力經營幸略就緒所有現辦情形敬為 皇太后 皇上陳晰陳之奴才于光緒二十九年七月到任即行督催各屬知縣與學育才具有次第蒙 聖鑒學務正始當實行普及之義爰定為籌學費擇校地選舉董查學齡四事飭令妥為預備限以三十年為一律開學之期奉 奏定章遵改學併為初等高等兩小學堂而官辦中學及高等小學模範所係並令照章興辦復刊發表式分飭填申現在已經開辦者除省城高等學堂另案 奏明外各府廳州縣中計成都府師範學堂川南師範各一堂師範傳習所一百一十堂中學八堂高等小學堂一百五十二堂初等小學堂四千零一十七堂兩等小學堂三十八堂半日學堂二十四堂或由官立或由公立及私立其辦而未成而未據稟報者不在此數惟是政由草創措措難事難言難莫為意是以前署督臣岑春煊 奏設通省學務處以資綜核守令始有稟承奴才接辦以來委邛州知州方旭提調其事復派升任按察使馮煦充當總理意欲求竊謂非利導無以整齊編制之初學生年齒不均教員程度不一不得不通融以勉其成欲使秩序之立殊途同歸不外隨宜改正之一法且慮勤勤終息名實不符于是設調查所一校之內少或數十人多或百數十人至數百人故管理視教授尤重日本至為考究其宏文學院且為我國學子特開一班取材既專則收效自捷於是派遊學速成

### 修訂法律大臣奏請減刑平訟摺

奏為輕罪禁刑罰改罰金各省奉行不力謹再申明新章請 旨飭遵以期政平訟理恭摺仰祈 聖鑒事竊臣等奉 命修訂法律本以收回治外法權為宗旨開館以來綜核東西各國刑制悉心參酌務期中外從同俾收統制之效是以本年三月二十日議復兩江總督劉坤一等變法條奏擬請變通管獄辦法改為罰金並請流徒以下不准刑訊等因奉 旨依議欽此又於二十一日復欽奉 上諭昨據伍廷芳沈家本奏議復恤刑各條請飭禁止刑訊並變通管獄辦法並清查監獄等因奉 旨依議欽此在案惟是法期於盡善而徒法不能自行全在大小各官任事實力除惡務盡庶幾政平訟理積習可回聞聞各省州縣或嚴酷任性率用刑求或一案動輒株連連到不即審訊任聽差差朦朧擇肥而噬拖累羈押凌虐百端種種情形實堪痛恨此大奏定章程全行照准原以矜恤庶獄務伸公道而通民情用特重申詔誡著該督撫等嚴飭各屬認真清理實力遵行仍隨時詳加考查倘有陽奉陰違再蹈前項弊端者即行從嚴嚴辦毋稍迴護倘其各勤求民瘼盡

### 小說

新黃梁 (續)  
小 說  
一 咄！怪哉亞沙哈頓既浸頭於水徒覺另為一人處境全異身橫橫榻之上與一窮窶佳人并眠佳人呼曰吾親愛之來利愛王天色方白何貪眠諸侯已集殿閣請速起整衣冠臨朝亞沙哈頓聞此言已忘却本來面目一若已身果為來利愛於是起整衣冠入議事殿諸侯伏地迎王來利愛命之起乃各就坐有一年長之諸侯起奏曰亞細利亞商議兩邦和好事宜來利愛處理既畢即率侍臣至南山狩獵自獲山羊二頭得意旋宮大張酒席令宮嬪歌舞翌日臨御殿將奏牘等一一批閱畢復出郊狩獵自獲一乳獅二乳獅還宮更開酒席兩行粉黛齊奏管絃來利愛之樂誠倍父夢想不及如此月餘前使臣缺鼻斷耳而歸哭奏曰亞沙哈頓恃凶不悟無故傷臣渠云我邦若不上表稱臣貢獻金銀及扁柏樹則將以處臣者處王來利愛大怒乃再集諸侯議對付之策咸曰與其坐以待斃不若與之一決雌雄來利愛亦以為然乃自為元帥率領三軍進討亞細利亞越七日與亞沙哈頓會戰於河岸來利愛奮勇直前斬敵兵無數然寡不敵眾逸相連來利愛遂中傷倒地為敵兵所擒可憐一代轟轟烈烈之國王竟成慘慘淒淒之俘虜來利愛被擒後十日始被送至亞細利亞國都監禁於死囚牢之檻中來利愛此時耳之所聞無非鐵鎖丁當鼻之所嗅無非臭濁空氣目之所親無非憔悴囚徒口之所食無非粗糲飯飯回憶王宮之樂真可謂一是一天堂一是一地獄 (未完)

### 文苑

眉韻樓詩話  
李眉生康訪鴻齋蜀中名士由湘鄉侯相幕府積助至江蘇按察使加布政使銜而官情甚淡愛吳中園林之勝兼官實廬黃冠朱履徜徉泉石五十餘年於蘇城詩文散佚惟存蘇鄰道詩二卷風格迥上於湘鄉知遇尤三致意焉如題陳容寶鏡詩衣鉢分明在不羨王祥得佩刀側身天地一沾巾從此幽憂學杞人無術煎膠黏日月任渠擣藥作灰塵四海知聲最絕倫中山小閣須天門生袖有丹青筆更為靈臺一寫真三晨晏起一科頭萬事忘懷懶即休青眼看余余何如昨固知天驕惜羸牛又夏日獨遊寄薩靈岩諸山望太湖放歌寄懷曾劬剛雙侯時方以蔭生供職戶部云綠陰黃鳥北窗風夢與雲共遊鴻龍白雲終古無榮辱盤松石苔斑駁點蒼山虎豹無威權惟有龍人浮沈如秋蓬艸間翁仲牛馬偶范公祠墓孤荒荒獨遊無件每懷惻夕陽掛樹聞鐘鐘湖光如鏡磨青銅羣山明滅湖煙中誰陶陶頃頃玻璃盆插插本本青芙蓉須臾月晃蕩映雲腫臘天風雷頓水仙操海潮輕輕馬宮金支翠蓋出歌舞鈞天廣樂酣笙簫今月古月長空今人古人何處思泰伯伯夷夷兩寓公脫屣萬乘輕千鍾魂魄有知不予棄江山正好來相從古人不見今時月今月還照前年遊靈寶寶從隨元戎戎左謁琴高生石鼎鹿皮翁十幅蒲帆七尺竿朝歌蘇台暮吳淞扣舷索句聲出蓬瀛江靜夜懸長虹牛渚青天去未遠遠鏗鏘碧海誰為雄二豪如螺贏萬象皆蟻蟻滄海浪浪翻覆宿海海不吞雲夢胸上文章定何物眼中歲月飛奔洪日下雲間一揮手南飛鳥鶴北翔鴻我已翦翎置樊籠思君欲往無羽翅含香執戟有何好朱門白屋將母同想見西山挂頰處九衢車馬黃塵誰定有遙情向雲水夢吟鷗鷺延菰葦

### 餘錄

報界叢話 (第二十二)  
凡新聞記者遇有訴訟恒受偏頗之判決者其故有二第一以判官之於新聞紙主人持之多刻第二由審問之記事見有新開案件必故意尋尋之蓋以新聞家有糾彈政治罪惡之勢力故恒為彼中人士所厭惡且其對於社會之感情亦甚薄弱故在泰西之新聞社嘗倡立同業扶助之法且又交相檢察交相督責一似日恐有外侮之或乘也世有以新聞為肆罵之具無論對於公眾或個人一不當意即批難攻擊不留餘地此激烈派之新聞原非法律之所許然若反之而或作立仗之馬或如寒蟬之噤其聲日惟搜錄陳言填塞紙幅者則亦特大失新聞之本意而且在此世亦似實無需此新聞也凡新聞事業之報酬原不能立一定之標準然亦有通則焉蓋在事業繁昌之地其所宜較平常為豐也以其生活程度之高非此即不能濟其生也且如新聞社之後起者則其報酬比舊有之新聞社亦必加厚以資獎勵者此殆發動於競爭之一念而為世上一切營業者所同病也



卷之四